



26. november 2020

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Naalackersuisunut uppersaqquvara tunngaviumik atuarfiit namminersortitat pillugit inatsimmi §16, imm. 2 pineqartut tassaammata ukiumoortumik ingerlatsinermut tapiissutaasartunit matussuserneqartussaangitsut, taakku tassaammata aningaasartuutit utertinneqarsinnaasut.**
- 2. Naalackersuisut qinnuigineqarput ilisimatitsissutigeqqullugu utertinneqarsinnaasunut ilaasut aningaasarsiat saniatigut suut utertinneqarsinnaanersut.**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Tunngaviumik atuarfiit namminersortitat pillugu inatsimmik¹ allannguinermi §16, imm. 2 allanngortinneqarpoq imatut oqaasertaqalerluni:

”Imm. 2. Kommunip tunngaviumik atuarfiup namminersortitap najugaqarfiata annertusisamik immikkut atuartitsinermut allatullu immikkut perorsaanermi siunnersuineranut, atuartumut perorsaanermut tarnillu pissusaannut tunngatillugu siunnersorneqarnissamik innersuunneqartariaqarsimasumut, aningaasartuutit akilerallassavai, tak. § 4, imm. 2.”

”Akerlianik ataatsimoortumik tapiissuteqartarneq maanna atuuttoq aqutigalugu meeqqamut atuartumut ataatsimut tapiissutit tunniunneqartarput, taamatulli tapiissuteqartarnermi atuartut kisimik siunertarinqanngillat. Taamaammat ataatsimoortumik tapiissuteqartarneq maanna atuuttoq inatsimmi tapiissuteqarnissamut aalajangersakkamut tunngatillugu imaaliiallaannaq atorineqarsinnaanngilaq.

Taakkaa saniatigut inatsimmi atuuttumi § 16, imm. 2-p takutippaa, perorsaanermut aamma tarnit pissusaannut tunngatillugu siunnersuineranut atatillugu atuartunik

¹ Tunngaviumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaata allanngortinnissaa pillugu Inatsisartut inatsisaat nr. 18. 3. December 2012-imeersoq. (Tapiissutit naatsorsorneqartarnerat, PPR aamma annertusisamik immikkut atuartitsineq il.il. pillugit kommunip nassuiaataanut tunngatillugu sunniutit allannguutaat)

annertusisamik immikkut atuartinneqarnissamut allatullu perorsaanermut aamma tarnit pissusaannut tunngatillugu ikiorserneqartariaqartunut aningaasartuutit Naalakkersuisut utertillugit akilissagaat."

Inatsisip qanoq isummersorneqarsinnaanera eqqarsaatigalugu Naalakkersuisunut uppersaqqara §16, imm. 2 naapertorlugu Kommunit pisussaataasut tunngaviusumik atuariit namminersortitat immikkut atuartitsinermut aamma tarnit pissusaannut tunngatillugu siunnersuinermit atatillugu atuartuutiminnut aningaasartuuteqarsimagunik taakku kommunemiit utertissinnaagaat, innersuussutigalugu §4, imm. 2. Immikkut ittunut iliuuserisanut aningaasartuutiniq utertitsineq pineqarmat, taakku aningaasatuutigineqarnerat ingerlatsinermut aningaasartuutininut tapiissutinit matussuserneqarneq ajorput, innersuussutaalluni §16, imm. 1.

Kissaatigivara apeqqutikka ullut suliffiusut qulit qaangiutinnginneranni akineqarnissaat.